

diceret, bonam Rempublic. esse θαυμασὸν quoddam; scitè fili-  
us ejus respondendo adjicit pag. seq. ὑπερμέγεθον εἶναι τὸ καλῶς  
ἀρχεῖν, etiam per arduum est opus rectè imperare. Non incom-  
modè igitur dum Politica etiam libamenta apponere animus est,  
primum tragema ex questionibus de Repub. concinnamus. Et  
quidem primam de ejus formis & differentiis. Forma siquidem  
Reipubl. ψυχὴ τῆς πόλεως, Isocrat. in Arcopag. p. 279. Habet  
eum eandem vim, quam in corpore prudentia, ibid. Quot igitur  
numero? Distinctè agemus. Consideret illas aliquis vel ut sunt  
simplices, vel ut sunt mixtæ. Si ut sunt simplices? terna-  
rium amplectimur. Quia Respublica & Reipubl. gerenda ratio  
idem declarat Arist. l. 3. politic. c. 5. Reip. autem gerenda ra-  
tio in eo est, quod principatum teneat in civitate. Quia igitur ne-  
cesse est, principatum tenere vel unum, vel paucos, vel certè  
multos, sanè triplex forma hinc inde emergit, Arist. d. l. Liqui-  
dius easdem exprimit l. 8. Eth. c. 10. Sub initium, inquiens: πο-  
λιτείας ἔστιν εἶδη τρία. Ἰσαὶ ἢ καὶ παρεκβάσεις, 1. est Βασιλεία quam  
alias etiam vocat μοναρχίαν ab Imperio unius. 2. Ἀριστοκρατία.  
3. Δημοκρατία. Quod verò attinet παρεκβάσεις earundem ut vo-  
cat, prima est Τυραννίς, altera ὀλιγαρχία & ultima ὄχλοκρατία.  
Et hanc distinctionem proponit suffragio ponderoso, Herodoti  
in Thalia l. 3. p. 191. Platon. in polit. p. 184. l. 8. de Republ.  
pag. 491. Xenophont. l. 1. Cyropæd. pag. 1. Cornel. Taciti  
libr. 4. Annal. pag. 346. Isocrat. in Panath. pag. 507.  
Augustin., l. 2. de C. D. c. 1. tom. 5. pag. 132. pratermissis  
aliis. Has principes formas potentissima gentes delege-  
runt inquit Plutarchus tom. 4. l. de imper. statib. pag. 73.  
ut Persæ regnum cum merâ potestate, nulli obnoxia judicio.  
Spartani paucorum optimatum liberam dominationem. Athe-  
nienses legibus suis contentam puram populi administratio-  
nem. Sed hæc formæ ubi vitiantur, depravatus fit & confusus  
Reipublica status, quales sunt Tyrannis paucorum potentia, &  
plebis licentia. Idem d. l. Illa φαυλότης τῆς μοναρχίας; ista  
κακία